

劉兆祐博士主編
中國史學叢書三編

盧
寵
塞
略
(二)

臺灣學生書局 印行

盧龍塞略二十卷附圖一卷 / (明) 郭造卿撰 -- 影印本

-- 臺北市：臺灣學生，民76

20, 764面；2 册，21 公分-- (中國史學叢書第三編，第三輯；27) 劉兆祐主編

據國立中央圖書館藏明萬曆庚戌 (三十八年) 新城王象乾刊本影印

1. 中國一史料 I (明) 郭造卿撰 II 集叢名 III 劉兆祐主編
618/8658 V.27

第三輯 中國史學叢書三編

劉兆祐博士主編

國立中央圖書館藏本

盧龍塞略二〇卷附圖一卷

撰者：明·郭造卿

出版者：臺灣學生書局

本書局登記：行政院新聞局局版臺業字第一一〇〇號

發行人：丁文治

發行所：臺灣學生書局

臺北市和平東路一段一九八號
郵政劃撥帳號〇〇二四六九八
電話：三二四一五六・三二一〇九七

香港總經銷：藝文圖書公司

地址：九龍又一村達之路三十號地下
座電話：三八〇五八〇七

中華民國七十六年三月初版

盧龍塞畧卷之十二

福唐郭造卿建初著男應寵纂

傳部

鎮守名將

元都旣克乃闢大寧三王驅之三公廓之
復勞燕駕屢征其啓土之勩孔艱而克咸
之功不少矣然武寧於山海僅存顯忠廟
記忠武武靖之大士紳有所不知况其它
哉惟王與公配

太廟而勒景鐘國史有傳且經畧紀之矣其從
征鎮守有勞於茲土享其澤而忘其烈可
乎故特表之成化後侯伯以禦胡封者寡
矣間有出鎮者人亦鮮稱焉督府而總兵
僅馬永在名臣記外則薊志及舊志數人
皆不足以發而余乃考載籍如遺勛邊政
記列焉蓋自總理練兵出則耳目覩記尤
彰彰矣

華雲龍定遠人以燕相府左相兼同知大都督

府事北平中書省叅知政事封淮安侯鎮北平
召回卒洪武錄鎮北平威名甚著建造王府增
築北平城其力爲多

顧時濠州人以副大都督府兼太子右率府事
授知大都督府事封濟寧侯以左副將軍北征
鎮北平卒于鎮追封滕國公謚襄靖功臣錄時
鎮北平益築保障練士伍繕甲兵廣牧畜雖邊
隅日靖晝夜從幕府吏深計遠筭常若寇至明
年召還尋有旨仍鎮北平申嚴號令胡虜震聳

馬絕南牧城無書閉

郭英濠州人以驍騎僉事克永平鎮北平開誠
布公反側以定進大都督僉事封武定侯充靖
海將軍討納哈出還師入山海虜餘黨叛王保
保弟詹事院同知悅因帖木兒追英與戰鎗傷
左脇箭中右脇英佯呼虜傷吾甲我衆連戰數
十合虜乃卻進征虜右副將軍征虜至捕魚兒
海及朵顏靖難罷歸永樂初卒贈營國公諡武
襄今世侯

薛祿初名貴膠人起卒伍從靖難奪九門東攻
薊南破雄漠圍真定又東援永平襲太寧旋師
解北平等功永樂十一年封陽武侯宣德巡邊
出會州敗虜塞下留鎮薊州永平復充鎮朔大
將軍卒贈鄞國公謚忠武有勇畧善謀定而後
戰必勝紀律嚴明秋毫無犯又廉潔善撫健兒
同甘苦人樂爲効力靖難諸將推河間東平二
王及祿三人爲最

陳景先東勝右衛使勇介練達永樂初守備山

海關時中官劉通潛謀不軌多防範而沮二十一年以都督僉事鎮守三屯以關隘寫遠恐應援不及乃立營駐操及添設墩臺宣德庚戌卒于鎮凡在鎮八年

王或在京人宣德十年以都督僉事總兵先大體謹邊防愛民恤軍重學禮士正統甲子召還十有一年先後與景先皆以才勇久任成功宗勝在京人正統初爲中路叅將十四年陞都督僉事總兵時虜猖獗人心皇皇勝與巡撫鄒

公來學同協心力保障北門關營城堡整頓一

新

李銘鄒平縣人起行伍成化十五年任巡撫彭韶爲作邊政記曰薊州鎮起古檀以極榆關內護京師外控夷虜大口二十八小口七十四列營三十二戎衛十六自太傅徐公以來城關口築亭障人有所恃然久或玩湮自公總戎無間祁寒盛暑短衣輕騎涉險相度分督叅謀歲益加修蜿蜒山鎮踰數千里屹然一巨防也喜峯

口爲朵顏三衛貢道往時旣進墳山關猶俾露
宿殊失柔遠之義公乃卽關內造大屋繚周垣
至則居之墳山之上內險外夷姦黠易以攀緣
窺伺公截立墩臺且砌石墻五百餘丈夷人感
悚益堅內嚮竝邊耕地俱民業我兵獨資饋運
而生聚日繁或不給困于食公令傍墾餘地以
自賦每歲夏秋交預檄老稚尋採山菜榛橡之
屬計口收積官收守之以備荒凶人免流移其
貧病無倚婚聚失時與死喪不葬者又皆有措

備以爲助羅文谷關外四十里曰黃門有龍潭
元世立廟人傳其神異驗甚公遇歲旱輒遣官
詣禱迎水以歸雨隨大注邇來虎出爲暴乃行
邊禱于山祗不數月二虎斃于獵羣虎北踰關
去選東西路精卒供待優厚親團練閑習賈勇
皆可一當十其樵薪戍守屯收役作者不下二
萬更番授事均勞無怨言公勤整廉勁老而不
衰獵涉兵書行軍先謀遇敵營陣以不可敗爲
本結髮從軍有志勤王壯歲中年樹芳烈於川

陝在行伍久曉暢軍事故起小將列都府守重鎮宜乎夷虜知名而吾軍畏愛也時銘鎮薊八年矣爲成化末弘治初也韶始任銘請老營衛詣韶留恐去請碑章上不允仍留五年代去首尾十三年也彭惠安公名臣其言足信

阮興在京人起自千戶弘治十三年以都督僉事總兵在鎮四年驍勇善戰每遇敵先士卒虜畏邊靜卒于官

溫和河間衛指揮以都督僉事正德二年總兵

剛方清正自奉嘗薄軍士無不饒謹烽火多間
謀故常得虜情先備虜不敢入時逆璫劉瑾柄
國賄賂公行和獨以義自守權勢請托一切不
阿坐是取回久之瑾反歎曰溫總兵真儒將也
卒不能害乃令僉書都督府

馬永字天錫遷安人也世金吾左衛指揮使父
榮鎮番叅將永讀左氏春秋及兵法襲父官機
警善騎射正德六年流賊起督戰功陞都指揮
同知江彬統宣府兵練西內永以千總隸彬稱

病不起彬強起稱病篤以故得脫彬禍十年守
備遵化明年虜入馬蘭峪塞殺叅將陳乾以永
爲叅將守太平寨十二年虜入塞戰栢崖堂再
戰白羊峪斬首五十十三年陞署都督僉事充
總兵官治三屯營尋署都督同知盡簡諸軍散
遣老弱聽其農市取其庸倍給諸健武者衣餉
健武者又皆喜人人奮習武藝當是時漁陽一
軍稱雄未幾上至喜峯口欲出塞扣馬諫不
可上注視久之顧內侍曰此馬永耳笑而止

朶顏酋把兒孫結諸虜邀官賞不得輒入塞永
迎擊洪山口大敗虜斬首五十八陞右都督嘉
靖三年把兒孫入青山口塞斬其驍酋遁去把
兒孫自是效順保塞四年大同軍亂殺都御史
張文錦叅將賈鑑用兵不利朝議且撫永上疏
力言不可撫他日九邊效尤將有唐室河北藩
鎮之禍勅永提兵出居庸討賊俄以流言中止
五年永上言乞宥諸言大禮獲罪者又言陸完
有平賊功宜贖罪錄用其子奪總兵寄祿南京

督府十二年大同再亂殺總兵李瑾討之久無
功廷臣薦永召至業已撫罷兵復還南京十四
年遼東軍亂逐都御史呂經召永總兵遼東十
七年虜入塞率兵五千人搗虜巢焚其廬還十
八年遼軍再亂率家兵逼賊斬四十餘人遂定
陞左都督永卒于遼東遼人爲罷市哭喪過漁
陽漁陽人皆哭兩鎮皆祠永永爲將善調虜情
先知所從來及衆寡設伏待虜以故虜往往失
利去且善養士同甘苦又善知人獎拔蕭陞劉